

佛說光明童子因緣經卷第二 策二

西天譯經三藏聖教太子說禪師傳法大師賜紫 施護奉詔譯

尔時王舍城中有二童子一姓婆羅門一姓刹帝利其刹帝利童子名曰壽命是二童子從王舍城出於其路左共為戲劇彼壽命童子久發正信婆羅門童子不具正信乃謂壽命童子言我聞世尊先說善賢長者妻當生子其後生已家族富盛最上吉祥現於人中受天勝福乃至最後於我法中出家學道斷諸煩惱證阿羅漢彼善賢妻已趣命終子必隨滅長者親屬送置尸陀林中我知是事豈非世尊說妄語邪時壽命童子即為婆羅門童子說伽陀曰

日月星宿可墜地  
海水淵深可令枯  
是時婆羅門童子聞是伽陀已謂壽命童子言汝或不信我今同汝往尸陀林審觀是事于是世尊從王舍城次第而行彼二童子猶

山石從地可飛空  
佛語決定無虛妄

在路左共為戲劇時壽命童子遙見世尊大衆圍繞以宿善根故即說伽陀曰

希有大牟尼 離諸動亂相 人天大衆俱

次第而圍繞 以師子吼音 能破諸外論

善斷衆疑網 最上難得見 佛往尸陀林

威儀相可觀 如風飄密雪 清冷而徧空

釋迦牟尼尊 現光明變化 刹那瞻觀者

隨應獲利益

尔時摩伽陀國主頻婆娑羅王聞佛世尊先說善賢長者妻當生子其後生已家族富盛最上吉祥現於人中受天勝福乃至最後於我法中出家學道斷諸煩惱證阿羅漢彼妻已趣命終長者親屬送置尸陀林中佛世尊與諸大衆圍繞亦詣尸陀林中王聞是已即自思惟我佛世尊若無義利而輒不往彼尸陀林將非善賢之妻死而復生世尊往彼欲為施作諸利益故我今宜應往觀是事是時頻婆娑羅王作是思惟已即與耆舊大巨宮嬪

官屬圍繞而出王出城時彼二童子尚居路左共為戲劇彼壽命童子遙見頻婆娑羅王已即時前誚說伽陀曰

最勝摩伽陀國主

臣佐圍繞出王城

發起決定淨信心

一切人眾皆歡喜

是時佛及一切人天大眾頻婆娑羅王乃至

壽命童子等咸悉至於尸陀林中

爾時世尊即從口中放淨光明普照眾會時

彼光占相者外道尼乾陀等亦在會中觀佛

世尊放光明已即作是念今此沙門瞿曇於

大眾中現光明相豈非善賢之子不命終邪

作是念已謂長者言長者我觀沙門瞿曇現

光明想必是汝子存而不沒善賢長者白言

我師聖者此事若然我當云何外道告言長

者汝子若在當令入我法中普徧修學爾時

長者將焚其妻先已積薪并所用物置尸於

中舉火以焚火燄既發即從臍間漸次破裂

中出蓮華於其華中有一童子端然而坐面

貌端正色相殊異是時會中無數大眾悉觀是相歎未曾有諸正信者憶佛前言誠無虛妄時彼外道尼乾陀觀是事已心生苦惱斂然而住

爾時世尊即告善賢長者言長者汝今收此童子護持養育時外道尼乾陀竊觀長者面

相已謂言長者焚尸火中忽出童子於一切

事皆不吉祥汝今不應收歸養育時善賢長

者即不肯受是時佛告壽命童子言汝宜收

此童子護持養育時壽命童子先審思已後

白佛言於我舍中無處容受設得此子非我

所宜時善賢妻焚燒已竟以佛光明威神力

故火自息滅於剎那間天降細雪自然清冷

收置餘薪淨其焚地是時火中出者童子安

然而住于是世尊普告壽命童子等言汝等

有正信者勿學外道邪異誑亂當住正念壽

命童子白佛言世尊於我王族生亦於王族

老我身清淨猶如牛頭妙旃檀香等無有異

我實不知外道邪異誑亂等事是時世尊又復告彼善賢長者言今此童子是汝之子汝可收歸護持養育彼善賢長者邪見堅固不行正道即時又復竊觀外道尼乾陀面彼外道言善賢長者汝宜審思今此童子火中遺殘大不吉祥雖火不燒而相豈善汝若收歸決定令汝家族破壞又復於汝命不相益及於汝身為多損惱凡所欲事不得和合深自籌量無宜後悔長者聞外道言已復不肯受尔時世尊即謂頻婆娑羅王言大王汝今收此童子王宮養育時頻婆娑羅王受佛教勅即速起身曲躬伸手收其童子普徧觀瞻已即白佛言我依佛勅收歸王宮然此童子作何名字願佛世尊善為安立佛言大王今此童子從火中得應為立名号火光明明尔時世尊於大眾中以此童子付授頻婆娑羅王已即時觀察審知頻婆娑羅王及諸會眾若體若性心所樂欲如其所應廣為說法是諸會

眾得聞法已中有多百人發起最上清淨正信有證須陀洹果者有證斯陀含果者有證阿那含果者有證阿羅漢果者有能進發煖位善根者有能進發頂位善根者有能進發忍位善根者有發聲聞菩提心者有發緣覺菩提心者有發阿耨多羅三藐三菩提心者有發歸依攝受心者有於學句起攝受心者如是會眾以佛功德及正法力眾和合事隨其所應咸得利益尔時頻婆娑羅王即離佛會將此童子還復王宮是時大王召八宮嬪以爲八母二爲養母使令恩養二爲乳母使令乳哺二爲淨母使令濯浣二爲戲母使令伴習戲翫如是王勅八母付其童子自乳哺中至於成長或乳或食及餘所須於晝夜中撫憐恩育無令闕失後漸長成如清淨池一蓮秀出愛護存惜其義亦然乃至後時光明童子有一舅氏父持財物出外商販漸歷歲年未由還復忽於一時外聞人說我妹懷妊

佛為記說定當生男其後生已家族富盛最上吉祥現於人中受天勝福乃至最後於我法中出家學道斷諸煩惱證阿羅漢時彼舅氏聞此語已即速聚收商取財物涉遠賣持還歸自舍既至舍中知妹已歿悲號啼泣審自思惟外先所聞佛記我妹定當生男乃至斷諸煩惱證阿羅漢今妹既歿佛虛說言豈佛世尊亦妄說邪作是念已即往鄰家詢問其故謂鄰人言我出外方商販始還先聞人說我妹懷妊佛為記言定當生男其後生已家族富盛最上吉祥現於人中受天勝福乃至最後於我法中出家學道斷諸煩惱證阿羅漢我聞是說歡喜而歸泊至家中妹已亡歿佛所說言豈非虛妄是時鄰人即謂舅氏說伽陀曰

星月可處地 山石可飛空 大海可令枯  
佛語誠無妄

時彼鄰人說伽陀已復謂舅氏言世尊所說

兼

童子二

五

實無虛妄汝妹亡歿然有其因以善賢長者信外道言造殺害業由殺因緣汝妹亡歿光明童子有大威力火不能燒蓮華中出而今在彼頻婆娑羅王宮中養育是時鄰人具以前事告其舅氏

時彼舅氏聞此語已即還家中謂善賢長者言長者所為不依理法以何事故我妹致終然我審知我妹懷妊汝設計謀不全生產汝以邪見信受外道起殺因緣殺害我妹光明童子有大威力火不能燒蓮華中出今在王宮此實非理汝可速詣王宮於今日中取童子歸斯為甚善若不然者我必與汝作不和合我即當持白灰於街巷路陌四衢道中乃至隨處徧散其地昔令地白使人驚異我當唱言善賢長者殺害女人我妹先因此人壞命光明童子今在王宮王亦亦時作無義利我於隨處必作此說汝自籌量無貽後恥亦時善賢長者聞此語已心生憂惱作是思惟

如舅氏說將非實邪若實然者我必懷慚作是思惟已即詣王宮既至王所跪拜伸敬具以前事而白王言大王我尚輕小王最勝上若不與其童子恐謗於王願王今時與此童子王言長者我本無心取此童子是佛世尊付授於我若非佛勅我豈取耶汝若欲取此

童子者今自宜應往詣佛所具陳斯意是時善賢長者即出王宮往詣佛所到已白佛言我有親屬從外來歸彼謂我言光明童子今在王宮於今日中速令取歸斯為甚善若不然而彼不和合乃至當於四衢道中唱言善賢殺害女人我妹先因此人壞命光明童子今在王宮王亦今時作無義利我以是事適詣王宮取彼童子王言先因佛令收養故我來此願佛令王還我童子尔時世尊知是事已觀其善賢長者今時若不得此童子苦惱逼心無有是處定當嘔血而趣命終佛大慈悲為作救護即告尊者阿難言阿難汝可往

策

童子二

才

詣頻婆娑羅王宮如我辭曰佛問大王得無病不今有一事當聽佛言善賢長者來取光明童子王今宜應速當授與善賢長者若不此童子苦惱逼心無有是處定當嘔血而趣命終王悉是事應如佛言是時尊者阿難承佛聖旨即時往詣頻婆娑羅王宮到已見王如佛辭曰佛問大王得無病不今有一事宜聽佛言善賢長者來取光明童子善賢若不得此童子苦惱逼心無有是處定當嘔血而趣命終大王應悉是事宜速付授尔時頻婆娑羅王受佛勅已即作是言大德尊者廻至佛所願傳我語頻婆娑羅王稽首世尊足下致敬問訊世尊如佛教勅我已聽受是時尊者阿難即出王宮廻至佛所具如王言白佛世尊時頻婆娑羅王即速宣召善賢長者到已謂言善賢今此童子久在宮中護持養育八母看侍乳哺依時我心愛憐過其親子今雖佛勅還付於汝然汝亦當體我心意日

日三時汝自將來我欲觀視善賢長者敬受  
 王命即白王言我受王勅敢不遵承日日三  
 時將詣王所是時頻婆娑羅王即以眾寶妙  
 莊嚴具鈔飾大象令光明童子乘此寶象別  
 勅臣佐而今伴送至長者舍而後長者日日  
 三時送至王宮王親觀視光明童子凡所施  
 作皆如理法乃至後時其父善賢趣命終已  
 光明童子即為家主既嗣家業轉復精進信  
 佛信法信苾芻眾歸佛歸法歸苾芻眾其父  
 善賢長者於此方處先造殺業光明長者今  
 為其父修營福事乃於自舍常時備辦四事  
 豐足承事供給四方苾芻乃至將來結集世  
 尊正法歲者上首耆年諸大聲聞亦常供給  
 所須供養光明長者於王舍城修如是等種  
 種福事悉為其父而作利益今時有一商客  
 是彼善賢長者先同商販故舊伴侶久在外  
 方商販未還素念此人不造善業又復聞知  
 今已亡歿子名光明嗣為家主其光明長者

信佛信法信苾芻眾歸依三寶如理所作時  
 彼商客聞是事已傷念善賢慶快光明長者  
 即以上妙牛頭旃檀之香造一大鉢滿盛眾  
 寶遠從外方遣人持來遺彼光明長者以為  
 信記又令來人傳如是言所願長時記念不  
 忘是時光明長者即以呪句而加護之其呪  
 計那啣呬夜縛訶室吒夜縛二羯哩迦吒  
 計那縛三佉哩係怛咩四  
 說此呪已復作是言如是寶鉢若沙門若婆  
 羅門若大威力諸神通者當受此鉢如應得  
 樂如是加持已即持此鉢出王舍城先於路  
 左立一大柱綵繪莊飾上復懸鈴置鉢於下  
 永為標記是時有諸外道如彼常法於明旦  
 時詣河洗浴經由路次見此寶鉢即時門彼  
 光明長者言長者汝安此鉢當何所用光明  
 長者具以元因告諸外道彼外道言諸有清  
 淨沙門釋子堪受此鉢餘無力能而堪受者  
 外道言已隨處而散乃至後有耆年大德諸

苾芻衆入王舍城持鉢乞食亦於路左見出  
寶鉢即乃問彼光明長者言汝安此鉢當何  
所用光明長者亦以元因廣如前答諸苾芻  
言長者今此寶鉢非我等受當持奉佛即能  
增長善利滅諸罪垢時諸苾芻如是言已隨  
處而散

比丘撰書

佛說光明童子因緣經卷第二 策二

佛說光明童子因緣經卷第三 策三

西天譯經三藏朝奉大德光祿卿僧正法苑珠林卷之三

尔時尊者十力迦葉遊行到彼置寶鉢所見  
是事已即詣光明長者舍問長者言汝置寶  
鉢於其路左當何所用光明長者即以前緣  
具白尊者是時十力迦葉作是思惟我聞善

賢長者信重外道先造殺業光明長者今於  
此地爲作福事我今不應棄此鉢去宜現神  
力令光明長者圓滿志願作是思惟已即以  
神力舒其右手譬如壯士屈伸臂頃取其寶  
鉢持還所止時諸苾芻見十力迦葉持寶鉢  
來咸共白言尊者汝於何處而得此鉢十力  
迦葉具以前事告諸苾芻時諸苾芻又復白  
言尊者汝爲此鉢故所現神力如法儀不十  
力迦葉言諸苾芻設如法儀不如法儀我已  
施作今復云何時諸苾芻具以其事即共白  
佛佛告諸苾芻言若非時處及無義利不應  
輒現神力等相所現非宜必生過失尔時世  
尊即以神力化出四鉢一金二銀三吠瑠璃  
四頗胝迦化此四已又化四鉢一鍮石二赤  
銅三白銅四木如是化已將前四鉢次第安  
布將後四鉢亦復安布一一鉢中滿盛上好  
可食香藥送置一處令苾芻衆所應受者隨  
意而取於後佛攝伸力鉢亦不現乃至後時